



UNIVERSITÄTS-
BIBLIOTHEK
PADERBORN

Directo-||rvm Exercitio-||rvm Spriritva-||livm P. N.|| Ignatii

Acquaviva, Claudio

Ingolstadii, 1592

VD16 A 125

Capvt VII. De prima hebdomada in vniuersum.

[urn:nbn:de:hbz:466:1-60966](https://nbn-resolving.de/urn:nbn:de:hbz:466:1-60966)

dubia, maximè si non possint cum suis
consultare, ut dicitur 16. reg. Prouincia-
lis, & denique in rebus omnibus, quas
coram Deo constituere, ac definire o-
porteat, semper admodum iuuat illa
praxis, quæ in eligendo præscribitur, de
qua infra prolixius agemus, & inde pe-
ti poterunt, quæ Inostros iuuare possint
ad intelligendam Dei voluntatem in o-
mni eiusmodi re, iuxta cuiusq; rei qua-
litatem.

De prima hebdomada in uniuersum.

CAPVT VII.

OMNIA HAEC EXERCITIA à Patre N.
Ignatio in quatuor hebdomadas
distributa sunt, quæ quidem hebdoma-
dæ non tam numero dierum, quam ma-
teriæ genere distinguuntur, & ideo non
necessæ est, ut septem, vel octo dierum
circulus in singulis consumatur, sed
sufficit ut illi affectus, vel fructus, in-
ueniantur, qui in vna quaç exquirun-
tur.

Prima continet cōsiderationem pec-
catorum, vt eorum fœditatem cogno-

C 5 scamus,

scamus, verecū detestemur cum dolore, & satisfactione conuenienti.

Secunda proponit vitam Christi ad excitandum in nobis desiderium, ac studium eam imitandi: quam imitationem, ut melius perficiamus, proponitur etiam modus eligendi vel vitæ statum, qui sit maxime ex voluntate Dei, vel si iam eligi non possit, dantur quædam monita, ad eum in quo quisque sit, reformatum.

Tertia continet passionem Christi, qua miseratio, dolor, confusio generatur, & illud imitationis desiderium una cum Dei amore vehementius inflammatur.

Quarta demum est de Resurrectione Christi, eiusque gloriofis apparitionibus, & de beneficiis diuinis, & similibus, quæ pertinent ad Dei amorem in nobis excitandum.

IGITVR IN HAC PRIMA hebdomada proponuntur media, quæ ad animam purgandam per contritionem, & confessionem pertinent, & ad veram pœnitentiam in nobis gignendam iuare possunt. Quare huc omnia dirigere debet,

debet, qui facit exercitia, ut peccati malitiam, suamque abiectionem, & vilitatem agnoscat, eamque ex animo intimamente sentiat. Quam ob causam expediret, ut hoc tempore si sacerdos sit, ex hoc spiritu humilitatis abstineat à quotidiana celebratione, nisi deuotio, aut profectus spiritualis, aut aliqua obligatio ad id impellat, ut postea generali confessione peracta, maiori cum præparatione, fiducia ac reuerentia ad sacrificium altaris redeat.

Notandum etiam hanc primam hebdomadam esse fundamentum, ac basim cæterarum, & ideo nunquam pretermitti debere. Vnde etiam si quis alia exercitia huius hebdomadæ, aut etiam omnia integra fecisset, & denuo ea repetere vellet, tamen hinc incipiendum esset, quamvis breuius expediri posset.

IGITVR POSTQVAM aliquis in eum locum venerit, vbi exercitiis vacatus est, ea ipsa nocte debet Instructor ad eum adire, & priusquam tradat fundatum, debet ei explicare aliquas ex

C 6 anno-

annotationibus, nempe primā, & quīntam, & ex decimaseptima illam admodum nitionem de animo aperiendo, item ex viginti id quod dicitur de vtilitate secessus in loco separato. Quod etiam opportunitatem ei dabit, vt moneat exercitantem de iis, quæ supra ca. 2. diximus eum esse monendum, cum ea tamen dexteritate, quam ibi diximus, nempe vt non omnia simul, sed quantum prudētia dictabit.

Annotatio autem illa ante fundatum, quæ incipit, In primis, expediet magis hoc tempore, vt non propinatur ita in genere, quando quis incipit exercitia, sed in discursu exercitorum, si quid dubium, vel obscurum, occurrat aut ob aliquam exercitantis difidentiam, videatur opportunum, tunc ei explicari poterit.

De Fundamento.

CAPVT VIII.

PRIMVS INGRESSVS in hanc primam hebdomadam fit per considerationem vltimi finis, quæ consideratio ideo dici-